

沙河縣志卷一

疆域志上

晷度

沙河縣北極出地高三十六度五十九分 冬至正午晷影一丈七尺六寸三分弱  
夏至正午晷影二尺四寸一分弱 冬夏至晝夜長五十八刻三分弱 冬夏至  
晝夜短三十七刻十二分強 縣境距經度較北平故都偏西一度四十九分 縣  
境節氣較北平故都早七分十六秒畿輔通志

星野

自胃一度至畢六度謂之大梁之次清明穀雨居之趙之分野月令章句 昴畢間為天

街散為冀州分為趙國春秋元命苞 昴畢冀州史記天官書 趙地昴畢之分野東有鉅鹿

漢書地理志 自胃七度至畢十一度為大梁於辰在酉趙之分野屬冀州費直起農十度蔡邕起胃

一 鉅鹿入昴三度晉書天文志 自胃七度至畢十一度為大梁屬冀州隋書地理志 冀

沙河縣志

卷一 疆域志上 晷度 星野 幅員 一

州其在天官昴畢則趙之分野杜佑通典 胃昴畢大梁也唐書天文志 胃四度至畢六度

大梁之次也順德府昴分明史天文志 順德府天文昴宿大梁之次清一統志

謹按星野之說似屬渺茫惟昉自周官流傳已久歷代相沿未可盡廢姑即舊志  
所載參以畿輔通志條列於前以備參考

幅員

沙河縣在河北省天津縣西南距北平故都九百五十里東西廣一百七十里南北  
袤四十三里

東至南和縣界三十里至山東臨清縣二百四十里

南至永年縣界二十五里至邯鄲縣八十里為河南湖北湖南廣西雲南貴州諸省

驛站大路

西至邢臺武安二縣界均一百四十里至山西和順縣二百一十里

北至邢臺縣界十八里至縣城三十五里

東南至永年縣界二十里至縣城七十里

西南至河南武安縣界三十五里至縣城九十里通山西長治

舊潞安府 晉城 舊澤州府

諸縣

東北至南和縣界二十五里至縣城四十里

西北至邢臺縣界二十五里

謹按舊志云縣境東南北三面均係平沙曠野一望可悉惟西境重岡複嶺川谷  
窅深盤磴險巖道里修阻亂山荒叢之中人迹罕到是以前志於縣之西鄙認爲  
界連山西和順泊康熙丁卯談令九乾奉文詣勘始知縣境正西實與邢臺臭水  
村毗連迤南則爲武安縣屬之王家莊與和順實渺不相涉遂取縣志特加改正  
又云西北二界之里數特舉距城較近而通大路之境言之若論其遠者如西北  
隅之爐洞峪則八十餘里西南隅之數道巖則一百二十餘里乃與邢武二邑接  
壤

### 村莊表

## 沙河縣志

卷一 疆域志上 幅員 村莊表

二

第一區	第二區	第三區	第四區	第五區
村名	村名	村名	村名	村名
距城里數	距城里數	距城里數	距城里數	距城里數
西馬莊	東北流	申莊	東郝莊	李石岡
		俱七里		
東馬莊	留村	李莊	曹文	孟石岡
			俱二十七里	
西戶村	大村	王莊	田莊	後凹
			俱六里	
東戶村	後大流	淮莊	水澗	劉石岡
			俱六里	
食膳鋪	八里	前大流	任莊	梁莊
留客	六里	杏花村	五里	鄭莊
張莊	五里	仁里村	四里	南劉莊
端莊	四里	西趙莊	俱三里	高廟
劉胡莊	俱二里	東趙莊		姚莊
城西莊		大趙莊		韓莊
				四里
				高村店
				南高
				中高
				俱二十里
				東新莊
				樂卸
				東下河
				五十八里
				俱六十里
				王家壑
				六十二里
				趙家壑
				六十三里







					藥山頭	八十里	碾子溝	
					奚莊	八十三里	娘娘廟	俱一百二十里
					爐洞峪	八十五里	花木	一百一十五里
							石盆	一百三十里

氣候

沙河地當溫帶其氣候爲大陸性大抵初春猶寒夏季漸暖入夏則酷熱初秋猶熱季秋漸寒入冬則嚴寒又太行山脈縱貫西部故山間氣候比平原略有差別

立春東風至凍始解驚蟄鴻雁來東作方興清明玄鳥至草木爭花穀雨節最宜種植一年豐歉以此節前後雨量之有無多少爲斷惟春季多大風沿河一帶飛沙撲面行旅苦之甚或風吹沙壅壓傷禾苗尤爲農害立夏南風至麥秀苗長芒種二麥熟天漸熱小暑大暑節內華氏表溫度每高至一百零七度土潤溽暑大雨時行河水盛漲往往衝決成災立秋涼風至仍多大雨禾黍漸熟白露秋氣漸爽百穀告成

沙河縣志

卷一 疆域志上 村莊表 氣候 山 六

秋分節前後宜種麥寒露氣漸肅宜刈菸葉霜降則秋深矣白露爲霜草木黃落立冬北風至水始冰冬至自次日起曰數九至三九則近大寒華氏表溫度每降至三十度四季氣候大略如此至西部山間因地勢較高天氣稍寒故麥熟比平原每遲至十日內外雖屆三伏亦不甚熱爲邑中避暑勝地又因太行大勢自南而北故一年之中西風絕少此亦特殊之情形也

山

白龍山去縣二十五里在馮村

鳳凰山去縣二十六里與白龍山相接狀若鳳凰故名以下龜象狼牙等山其命名仿此不備注

龜山去縣三十里在鳳凰山西北

黑山去縣四十里在毛村山多黑石東漢中平二年黑山賊褚飛燕降清一統志謂即此山

狼牙山去縣四十五里在趙冊西

廣陽山去縣七十里在度口康熙縣志謂盤礴高聳諸峯拱列巖上有石室絕無塵

穢號聖人室今按是山崇隆百仞綿亘數里羅漢老君千佛三洞及漆泉皆在其上

延袤一片背北面南廣陽之名當由於此

明史與祿登廣陽山詩一嘯窮崖萬木巖何來鼓吹入風煙穿雲磴坼丹梯隱漱石

泉飛玉乳懸三晉峯陰搖劍外二漳練影落尊前狂來莫漫談冲舉瑤草紛紛古洞

邊清申涵光廣陽絕頂同伯巖作絕秋煙合蒼茫一氣中此行猶築舍萬事已

驚弓雨沒遙山樹霜催昨夜風陶潛歸去早履杖有人同久別山園路空慚避世

心亂離塵日短高臥野堂深酌酒依紅樹看暮坐碧岑桃源開復閉此地可重尋

磬口山去縣八十五里在度口西南本名磬山康熙縣志注其形如磬漢魏時舊冶

鐵地俗訛為鷄冠山非是

清杜灝磬山辨赫山之東不里許一峯壁立而削成上銳旁闊狀如人字與磬形適相類乃詢之士人則羣謂之雞

冠山竊謂不然蓋核以里數舊志雞冠山注去縣九十里此與赫山皆云百里數既

不甚符合又其形迥乎不類雞冠而土人羣焉指稱為雞冠者想因此山聳出於衆

山中遂以雞冠目之耳且俗人但曉釋老二氏之宮所用之鐘磬形如孟者乃謂之

磬而不知古樂器中石磬玉磬之屬皆如人字然此所以詢之以磬口而轉不解歟

又按隋書地理志沙河縣注開皇十六年置有磬山古者設都建邑必表其高山大

川以識其疆域嘗周覽太行大勢自南而北此則支隴東行突起崗巒開列屏嶂是

固其發脈之主峯也自此以東坡嶺起伏相銜蜿蜒磅礴峯則至馮村掌裏而盡阜

則歷高村下鄭而平皆從此落脈迤邐而來雖向之鐵冶今已久廢而察形規勢其

### 沙河縣志

卷一 疆域志上山

七

為磬山無疑且即為沙邑之主山無疑乃俗人貴耳賤目至茫然無一識者殊可異也

赫山去縣八十五里在磬口山西康熙縣志注前有龍王廟後有龍潭今按自度口村西山麓歷坡坨凌澗壑逶迤盤旋而上幾二十里繞出磬口山後乃陟其巔中藏一谷若溝若隧窈豁阻深由磴道循級下迤西折而北兩峯對峙狀如雙闕龍神廟及龍湫在焉祠後山上澗中有小潭九殆所謂九龍潭也潭水下注即滴入龍湫遇

旱禱雨輒應

清談九乾上赫山祀龍王廟畢觀澄潭石柱諸勝詩巔岷天削列諸峯幽壑徐來何處鐘鐵瓦千年寒朔氣石潭一柱鎖雲封敢言撫字哀鳴

雁應有甘霖起墊龍直上重巖誇健步不須小隊吏人從杜灝赫山歌并序縣治

西九十里有赫山其取名由來無考特以九龍神廟在焉故遠邇競稱之余因祀事

至止頹仰周察恍然獲所以命名之意取象本字曾紀之邑乘顧其色亦類猶略焉

未及乃作此歌俾衆著云太行南來千里聳蜿蜒磅礴爭騰踴邑西縱橫疊嶂排

螭翔虬伏皆支隴湯山磬山自古傳倉門峽門亦炳然惟有赫山最幽闕雲封縹緲

人命名義取一或肖形兮或肖色我來斯巔諦視之兩者兼之洵不忒陳彭二礪樹

對峯厥土赤赭堆西東正見高崖忽開豁中有曲徑潛相通龍闕巍巍宅窟僻龍湫

澄澈渟精液旱魃為虐禱祀求呼吸效靈沐膏澤石磴嶢嶢松喬松鬱鬱傍絕壁琪花瑤草夾雜間舉頭石罅蒼溟窄微光一線供徜徉清鐘響谷猿啼岡山僧然

葉煮茗熟擎杯徙倚聊清狂復向天梯重躋陟捫蘿攀登上百級削然磬口當我前

廣陽轉瞬浮雲煙迴環森列萬嶺起令我目眩難悉紀遙睇奇插太空七鶚並飛

合五指流泉俯聽瀉九潭滴瀝如弦聲潺湲竹杖芒屨不易到偶焉一憩幽奇探茲山面目罕認識我今一一爲核實如何漫作霍山支撇却太行憑臆測 注康熙縣志有沙古趙地其山鎮曰霍山赫山疑卽其支之語故云

東五指山去縣九十里在度口正西大倉門之上

五明山去縣百二十里在小嵌村西南一名小金頂亦曰小武當俗呼老爺山上有  
亥帝廟其旁卽青龍白虎兩山

白虎山去縣百二十里在五明山之右

青龍山去縣百二十里在五明山之左

牛心山去縣百三十五里在石盆村西俗名鷄冠砦

西五指山去縣百四十里在石盆村南俗訛爲南五指又訛爲和尚山均非

和尚山去縣百四十里在西五指山之南俗混西五指爲一非是其南三里許卽武  
安縣境

以上縣境正西諸山

## 沙河縣志

卷一 疆域志上山

八

禾山去縣三十里在掌裏正西舊有關帝廟今廢土人多於此採石燒灰以供一邑  
塗聖之用並銷售於鄰縣其西附近小山俗亦謂之馬鞍山

王母山去縣四十里在白錯村西南康熙縣志謂王母曾到此殊不經據土人云此  
山石可爲磨其色黃亦曰黃磨山差爲近是又稍西南一山其巔有石壘如寨亦名  
鳳凰山自此山以西卽武安縣境

嶧山去縣七十里在叢谷 卽今全呼 村南

嶧山去縣七十里在叢谷村南

峯山去縣七十里在塘山西南册井村民建有峯山聖母廟與山南北相對

佛堂山去縣八十里在峯山西北山勢嶙峋多石穴嶺半有佛堂佛像卽刻石上

太安山去縣九十里在佛堂山之西舊名大安宋時封今名其山由東北迤西復環  
而東南宛如半規中有封巒寺並三泉槐碑古蹟

以上縣境西南諸山



保安山去縣五十里在中堅固上有一巖穴名清涼洞是山東北二面俱近邢臺界西遙與插旗腦相接南則逼臨沙河形勢既勝境亦幽邃

象山去縣六十里在孔莊

鷄冠山去縣七十里在象山西北

馬鞍山去縣七十里在鷄冠山西北

靈山去縣六十五里在孔莊之西俗傳人到此稍有聲效山必響應故名

湯山去縣七十里在孔莊西北下有溫泉

藥山去縣八十里在湯山之西相傳秦王曾阻水於此

以上縣境西北諸山

大嶺在石盆村西北十餘里其外屬邢臺轄

黃背巖在石盆村西南十餘里山勢峻絕中有水泉其外即隸武安

數道巖在皂角峪西十餘里巖上溝澗旋繞數層故名其南即武安境

## 沙河縣志

卷一 疆域志上山

九

謹按舊志云大嶺及黃背數道兩巖其上俱有邊牆隘口昔駐防兵今皆廢

大佛巖在皂角峪西南六里康熙縣志云其巖三面阻山前一崎路塞之人不能入

山凹中有一佛殿巖石自爲覆蓋風雨不侵直上里許有白雲洞又里許有摘星樓

石方嶺在大佛巖東南六里與武安分界處

捨身巖在小嵌村西南十餘里與五明山爲近左山右溝徑止尺許極險巖

滴水巖在石嶺村西北五里許

落絲巖在王峪村西南三里許

鈎巖在廣陽山之北即度口至孔莊山凹中通道處

聖水岡在綦陽東南八里相傳有井泉飲之可以愈病今廢

釣魚臺在石嶺東南四里石壁上一卷突出下臨川流若魚磯然

大小倉門在漸灘東南逼近東五指山相傳唐時曾儲糧於此

狼虎峴在蟾房南二里與小汗坡相近險巖突兀狀甚悍鷲故名

栲栳峽在孔莊正西二十里即邢臺西頂東南之下坡也其升頂徑途則在山之東北隅由峽門而入

峽門在靈山正西乃邢沙交界處進峽口中有路一條旁有溝渠水流不竭其水發源倉門栲栳至孔莊東入紅河

牛口峪在孔莊東北二里其上即插旗腦

戴家砦在石盆村西北形勢高峻巔上平原頗廣中有一池可飲昔人嘗居此避兵腰水砦在石嶺村西北山半有水泉故名砦今已廢

梅龜砦在冊井東南八里藺莊村即在其北

禾山砦在掌裏西南禾山上明崇禎三年建關帝廟有碑記

獅腦砦在廣陽山北鬧窩西南五里亦名秦王砦其下即秤鈎灣

孤山砦在紙方村西南里許四面皆平獨此一巒特起勢甚峻嶒

謹按舊志云沙河境內諸山其脈絡自河南武安縣西北蜿蜒而來疊嶂聯排層

## 沙河縣志

卷一 疆域志上山 水道

十

峰攢矗實皆太行之支壠今即前志所載與邑人所知者依次敘述分爲三支至於嶺巖岡砦以及有象可指有義可稱之屬亦皆掇拾弗遺其他嵯峨培塿山之無名者縱橫皆是礙難備列至西頂及十八盤山雖載前志然其地實在邢臺界內遂概從芟削以昭核實

### 水道

沙河即古馮水說文馮水出趙國襄國之西山東北入寢漢書師古注馮音藕襄國今沙河縣地其源出太行山合山西遼州諸山之水分爲二支一東南流由大嶺口入縣西界一南流逕河南武安縣界由黃背巖口入縣西界折而東北至石盆村與北源合曲折東流於山谷中凡六十里逕廣陽山下度口村又二十里至左村有野

河自西北來會又東流三十里遇大砂磧

舊志在大油村東北

分爲二一繞磧東北流逕城南

河心鋪又東北至段莊有西狼溝河自北來入之又東北逕宋村入南和縣西南界更名澧河又東北逕南和縣屬之王家莊有東狼溝河自西北來入之又北入任縣

東南界逕臺南村有殷陳溝合流而來會又北至東監臺西入大陸澤一繞磧東南流過普通橋舊志作普通店亦名普通河又東逕田村又東逕南王村入永年縣西北境又

東南入鷄澤縣西南境折而東北流又西北入南和縣東南界又折入任縣東南界

又東北逕任縣屬之程兒砦是名程砦河折而西北流又北至東監臺入大陸澤輔畿

志通

謹按沙河正流向逕城南自光緒癸未後迭遭水患河益北徙南關民居沖毀強半其支流舊逕距城五里之河心鋪正流從未遷徙雍正中業已改道且由田村即入永年縣境亦未嘗南逕南王村通志似未詳考

野河安瀾志作烏梅河一曰荊村河順德府志作洪河沙河縣志作紅河俗曰龍門川發源於邢臺縣西北一百六十里馬嶺口匯集羣山之水每當夏秋之際千峯萬壑穿峽爭流邢臺縣志謂野河分合有七十二道然常時則恒乾涸安瀾志於其上流乃分列四源一曰龍門川即馬嶺口正源一曰第一川即泚河一曰第二川一曰

## 沙河縣志

卷一 疆域志上 水道

十一

第三川則皆發源於婆婆庵此四源者亦約計之詞其西南所受諸川尚多可數惟以泚河爲野河之源則不可以不辨安瀾志云泚水發源胡姑腦北流入於唐山此下注云另見又總云四川匯流紆曲於萬山之中逕老蒼會合而東南流今查泚水乃東流既入唐山縣界又東入隆平縣界又東北入寧晉縣界又東北入寧晉泊並不歸任之大陸澤況至唐山縣後設使與野河在邢臺縣西老蒼會合流則必逆折而西南流反逕內邱縣界又西南始能入邢臺縣界方嚮俱背矣且其所謂另見者乃載於寧晉泊中亦由唐山而隆平而寧晉入於北泊更不曾及野河一字蓋因內邱縣志三川皆連類而記遂謂其下流亦同耳其實內志於泚水明言東入於漳此亦舊道

今又不言西南至邢臺也按野河上源今已淤斷其第二川第三川據內邱縣志第

二川發源婆婆庵安瀾志作婆婆庵畿輔輿圖作皤皤山由白草坪漫天嶺馮溝雲凸白塔而南至

侯家莊與第三川合第三川發源婆婆庵西歷天井杏峪錦繡堂老人峯至口崖會

西來馬嶺水即野河東至侯家莊與第二川合流逕邢臺之北店宋家莊出龍門東南

亦名龍門川又南會稻畦川即尹水川又南會漿水川即白岸川又南會路羅川一作轆轤川又作露羅川

至老蒼會又東南逕栲栳洪山在邢臺縣西南七十里舊志作紅山亦名洪河亦作紅河又東南入沙河

縣北界有湯河自西南來入之湯河源出沙河縣西北七十一里湯山寰宇記此湯愈疾為天下最其水東北流入於野河又曲

折東南流逕堅固村至左村東合沙河同上

縣南有沙河一道縣因以名其由來久矣每當夏秋之際大雨時行水自山西一帶

透山而來勢猛浪翻黃沙上下奔騰沖壓田地蕩析村墟為患甚烈行人到此失渡

雖置郵之速亦莫可如何附近各鄉水手昕夕伺候有司者乘水勢稍殺糾工造橋

而難成易毀屢修屢壞總因泛濫之水無渠道無涯岸勢不可為也河道之患未有

若此之尤者康熙縣志

洛泉河發源北九家村葦地東南流逕大村東北流等村入西狼溝河舊志

魏郭橋河源出邢臺有二一自康莊村東一自廠里村西入縣境合流逕北九家村

北入西狼溝河俗亦呼為小澧河

### 沙河縣志

卷一 疆域志上 水道

西狼溝河發源邢臺廠里村入縣境逕北俎村西迤南歷南俎六方留村北陽段莊

等村合沙河漢志列葭水寰宇記作列家水云在南和西南十里下至狼溝河即此謂之西者別乎小澧河之東狼溝而言

東狼溝河距西狼溝三里許亦出廠里村東葦地流逕北俎村北迤東歷潘莊薛莊

至善下村東南入南和縣界至王家莊合澧河沙河別名見上

葫蘆套河在狼溝東北五里許其流分合無定故名發源邢臺之百泉至北屋村東

分為二人縣境一逕潘莊歷青介而東合東狼溝一逕趙村西南折而東復迤而南

歷呀呼村西至善下村東南合東狼溝

上河在葫蘆套東北五里許即葫蘆套支流入縣境不半里即折而東逕王村南入

南和縣界

普潤閘河在上河東二里許發源邢臺之七里河逕縣屬呀呼村東至善下村東南

入南和縣界

永賴閘河與善潤閘河同源在其東數十步逕縣屬西徐王村至前徐王村南入南

和縣界一名張相河

張相村屬南和其村用此水溉田居多數故名

泥溝閘河在永賴閘河東亦發源七里河逕縣屬西徐王村歷東徐王村下流仍歸

七里河

溫泉在湯山即古湯水四時皆溫浴之已疾

清杜灝溫泉賦爾其浴口浮煙含珠噴玉砌石磴以流紅擬滄州而瀉綠星分

胃畢鎮兀邢南地控幽燕源分趙北緬承乏乎此邦爰進民而訪俗惟茲邑之西偏  
等鑑湖之一曲厥有溫泉其流淨淥蜿蟺灘漸鬱炎蒸歛注峪而盈不火而燠豈跋  
鳥之拂羽抑應龍而墮燭春風習習疑熒惑之乍經池水湯湯翳祝融之所浴顧吾  
聞天下之泉不一名而溫泉之名以七數容湖墳汝之濱銀艸青蓮之宇香爐峯下  
湯泉偕瀑布爭飛玉女溪頭遺翠與斷鴻交舞驪山複道金鴨長浮良月華清萬花  
並吐以至駱谷煙液華陽滴乳揮毫則百斛璣珠賜浴則千山簪組或選勝於幽人  
或鋪張於世主斯泉也涓涓泓泓瀉瀉融融雖連於日下名不播於寰中雲葉葳  
蕤接嵐光兮靉靄綠陰岫吸藉艸色兮籠蓂莢豈泉流亦有所不幸而顯晦固有所難  
同奈河過無平子賦少揚雄銅鳥怒兮氣鬱嶽若木曜兮影瞳矐然而奇由境關物  
以人探曲水何名價重鼠鬚之札品泉無主經傳鴻漸之談况乃冠裳容與雨露濡  
涵丹砂衍溢黃硫吐含春巖綠兮新漲秋草碧兮澄潭砂石爛兮不加沸溪冰琢兮  
復如惓玉並生煙漱暖玉兮光曄曄湯名出日沐蘭湯兮髮毳毳不必待璇瑄瑤華  
而始顯即埋沒於黃沙白葦而奚慚且夫江湖足以濟舟楫河酌亦以溉釜鬻苟握  
奇而無用亦何羨乎登臨則有支流濺沫沃畦灌翠浪如煙給青氓之抱甕黃雲  
似錦佐碧落之甘霖更若齊侯病疥越烏悲吟濯彼清漣捐茲夙痲詎長桑之池水  
同蘇耽之井陰實能博施而濟衆豈徒爍石以流金於是山人墨客趙女燕姬玉樓

### 沙河縣志

卷一 疆域志上 水道

十三

方醉金勒初嘶晞吾髮兮暘谷與汝浴兮咸池掬白雲兮纖手架蕙綢兮瓊枝乳燕  
啼黃神漢比蓮花而馥郁秋蕪滲綠沸潭偕荳蔻以迷離嗟未央之五蘊澣切雲於  
九疑鷓鴣遙來何須金鏤羊車若到尙控青絲若乃勝會不常盛衰莫定玉甃石上  
空留入月之痕繡嶺峯前莫泝斷鳧之脛甫刻翠而題紅倏灰飛而霧暝獨斯泉欣  
賞未盈寂寥奚病類鈞鉤兮無稱渺滄浪兮獨醒是以莅其地者無今昔之嗟而挹  
斯泉者少菀枯之競洵可爲軒冕之桃源而風塵之竹徑守土於是屏玉虬試水客  
陟泉原廣譔度進如玉之恭人訪陽春之有脚窺火井兮復燃沃焦山兮方灼盪玉  
體於漣漪隨寒泉之洛澤汲來仙吏未許懷金呿此餘波尙清民瘼攬蔭喝於斯潭  
可臨流而勿藥爰儻筆  
以述辭與斯民而同樂

漆泉在廣陽山漆泉寺側其泉色黑如漆故名

三泉在太安山封巒寺內泉眼三相距僅數武中鑿圓池左甃方井其右泉從峭壁

石罅中流出注入池內味甘冽可汲飲

雙泉在青龍白虎兩山間雙泉寺外

九龍潭在赫山詳前

黑龍潭在度口川釣魚臺東北

俱同上

馬跑泉在上關村東南泉雖微元旱不涸俗傳宋太祖過此馬渴跑地得泉故名其

說無稽不足信

採訪冊

老君堂泉在度口村東北此泉發見約六七十年東流成渠溉田七八頃名東灣地居民頗利賴之

同上

### 水利

明萬歷十四年大稔邢臺之百泉東溢入葫蘆套又盡洩於七里河邢沙二邑苦之郡守令陳九功相度地勢以百泉源出平地南障於土岡北無隄以束之其潰入七里河固宜於是壩其北而渠其南凡六閱月而工竣計村落邢臺五曰孔橋曰王快曰東市曰南市曰南市屯沙河二曰前徐王曰後徐王計役夫邢臺四百三十七沙河六十二計溉地畝邢臺四千六百三十沙河八百四十渠深七尺廣五尺建閘壩上視水之消長而增減之

節錄九功盛流閘記

小澧河

即舊志西狼溝河

發源邢臺之大場村經縣境北九家北俎等村入於沙河北九家

村營治稻田一頃一十六畝四分六釐北俎村營治稻田一頃三畝八分二釐一毫

## 沙河縣志

卷一 疆域志上 水道 水利

十四

洛河

即舊志洛泉河

發源北九家村由大村入小澧河大村營治稻田五十六畝五分一釐

又趙村營治稻田一頃八畝三分此水發源邢臺之北屋村由葫蘆套入縣境之趙

村流入沙河

即舊志葫蘆套河歸東狼溝河此謂入沙河誤

又徐王村營治稻田一頃十畝四分二釐此水

發源邢臺之百泉村由泥溝閘入縣境之徐王村歸於南和

即舊志泥溝河舊志謂此水發源七里河下流

仍歸七里河與此異

以上共稻田五頃五畝五分一釐一毫雍正五六年間上流水盛故克興舉後水涸

復為旱田矣

順德府志

謹按舊志云沙邑地瘠土鬆縱得盛水種稻究不相宜不必強物性以就我也况水又不能常盛乎且旱田亦必資灌溉故縣境東北之水利皆仰給於諸河惟一營稻田則上游之水必用閘以司啟閉無論水勢微弱下游勢難普及即當源泉旺盛亦祇計蓄瀦以供種稻之用而多數之旱田莫能分其餘潤矣故營治稻田斷不宜於沙邑者也

北俎小渠源出本村西北自西而東逕約二里許入東狼溝河涓涓細流終歲不竭  
一村畦町頗利賴之舊志

諸水下流皆南東逶迤而行至交錯處則用橙槽洩水彼此不致侵亂至

葫蘆套以東至泥溝閘諸河當需水之時各村分定晷刻杪忽不容假借俗謂之鈐  
張鈐張云者蓋以鈐之張數多寡計時之用水短長也其上河一道沙邑居民一日  
內僅供九日之需餘悉歸邢南二邑至永賴閘河則多屬南和張相村沙民引用者  
旬止一日而已蓋當日導流之始早經大眾議定也

東狼溝一渠不修已廿餘年其流微甚矣其與葫蘆套交錯處之橙槽亦日就圯壞  
皆由上流河身中栽植蘆葦壅塞水泉故也蓋是渠泉源正綫出自邢臺大廠村東  
而樓下村南又有通水溝一道旁岔入渠俱在縣屬之北俎村北戊寅春會同邢邑  
勘明地勢督率兩地居民起除葦梗使河身一律通暢其橙槽亦撥夫修築薛莊以  
下復得灌溉之利俱同上

## 沙河縣志

卷一 疆域志上 水利 關隘

十五

西狼溝河發源邢臺之南廠村流經縣屬之北俎南俎六方留村段莊等村採訪冊

葫蘆套一名狼溝發源邢臺之百泉流經縣屬之潘莊薛莊趙村青介善下等村溉

田約三十餘頃

老溝河一名橙槽上河即葫蘆套之支流經縣屬之西徐王前徐王等村溉田約八

九頃

永興河即普潤河原名普瀾發源邢臺之七里河始於明萬歷間地基寬六丈經呀  
呼善下兩村流入南和之左村溉田約二十餘頃清乾隆中河身淤塞縣令李藝督  
率挑濬恢復原狀易名永興河有碑記

泥溝河一名泥鰍溝亦發源邢臺之七里河流經前徐王村溉田約三頃有奇俱同上

### 關隘

大嶺口在縣西一百四十里外通河南武安縣畿輔輿圖上有邊牆舊謂官兵戍守清一統志

今廢舊志

謹按舊志在石盆村西北十餘里其外屬邢臺

黃背崖舊志作巖

口在縣西一百四十里外通河南武安縣

畿輔輿圖

亦曰黃背崖關山勢崇

高兵防悉備至數道崖三十五里

山西通志

北接大嶺口

清一統志

舊有關牆為兵防要口

雍正

通志今廢舊志

謹按舊志在石盆村西南十餘里山勢峻絕中有水泉其外隸武安

數道崖舊志作巖

口在縣西南一百五十里外通河南武安縣

畿輔輿圖

亦曰數道崖關澗溝

之路旋繞數層

山西通志

舊有官兵戍守

雍正通志

今廢舊志

謹按舊志在皂岡峪西十餘里巖上溝澗旋繞數層故名其南隸武安

戴家寨在縣西北一百里形勢高峻一徑可通其上平原廣闊中有一池雖旱不涸

清一統志

謹按舊志在石盆村北巔上平原頗廣中有一池可飲昔人嘗駐兵於此

綦陽鎮在縣西四十里

清一統志

沙河縣有綦村鎮鐵冶務

元豐九域志

沙河縣鎮一曰綦陽

# 沙河縣志

卷一 疆域志上 關隘

十六

金史地理志

宋皇祐四年置鐵冶司於此有冶神祠

鹽鐵權

重修冶神廟記漢始有以罷

弘羊難之謂此國家大業所以制四夷安邊定國不可廢也故當是時仰給大農民不加賦而天下用饒是知山海天地之藏邦用之所需於此蓋所由來久矣我宋承平垂二百年生齒日衆調度費出十倍於古則所謂邦用之所需者又不可得而緩也惟順德之在河朔為朝廷一襟要其地多隆岡秀阜坑冶之利自昔有之綦村者即其所也逮皇祐五年始置官吏歲入之數初甚微治之旁舊有神祠始作之日與其歲月蓋闕如也但以課或不登祈求輒應故廟而食之為不廢歷載既久上漏下濕柱折棟撓將就傾圮治吏監侯張一日率聯事者彷徨庭下且喟嘆曰此吾之所致也况夫神之英靈日庇我民歲課之饒動以十萬計而廟貌之敝一至於此得不為吏之愆乎於是監侯張氏先輸而倡之又從而和之者數十百人即故址而新之陶者治埴匠者治木圻者揉饅曾未踰時而鬼神之像雕繪之文恍然變矣且禮有之曰有功德於民則祀之是神也既已不秘天地之藏陰相其利俾民不加租而邦用足是非有功德於民者乎則其廟食此土宜矣廟成之始且求余文以為之記辭弗獲命故勉而書之清顧棟高書治神廟記後余門人杜子灝宰沙河重修邑乘郵寄所輯請正余披閱及藝文志中有治神廟記一篇係宋時人製下書缺名其文特背謬因為此論以復於杜子俾附于後夫不加賦而天下用饒安石之徒惇卞小人漢武帝後來安石祖之而均輸市易遂肇無窮之禍則此篇疑安石之徒惇卞小人所作以此迎合時相後人以其人穢遂書缺名用以欺世耳篇中所說宋費用十倍於古邦國所需不可得而緩其為安石議論無疑又云坑冶之利自昔有之綦村即其所以致亂明鄧茂七由此起數年然後撲滅此蓋側媚小人顧邦國利害逢迎主欲召亂興禍此豈可訓哉余惡夫為此記者謂神不秘天地之藏陰相其利不加租而用足託於裕國利民之說以此贖亂天下故不可以不辨



形勝

太行雄峙於西狼溝迤流於東前則沙河環抱後則洛泉湧出旁極豫晉跨躡冀燕黃背數道兩巖鎮若長城湯山溫泉四時熱如沸釜誠趙北之咽喉實襄南之藩蔽

康熙縣志 按縣之西境毗連山西河南雖中隔邢臺一村然三省交錯荒山僻壤最易藪奸是以大嶺黃背數道三口皆有關牆昔人嘗駐兵防守滋沐聖化覃敷宵小革面不必鯁鯁以伏莽爲慮然防衛之道亦烏可忽焉不講則謹斥堠嚴巡邏是在司土者之加之意耳

舊志

沙河縣志

卷一 疆域志上 形勝

十七